

Sonntagfrüh

Bos is dann nu schu wär luus?

Mech des Licht jo gleich aus!

Boos sechste? Ällef Uhr is?

Des mecht mir doch niss aus.

Oder dooch? Der Geschmoock

en di Gusche, der kömmt

Bestömmt vu dos Esse

nachte oewnds, ower es könnt

nachte=gestern

Jo ach komm vu den Wei.

S wor wohl e Mosel, seller Gesöff.

Hot der Wert wär sein Mosel

für en Fraanke verkäfft.

In mein Koopf, doe tut s Schläg,

ower auf muß ich stäeh.

Nochert ko ich mich jo wär

in mei Bett neigeläe.

Öbbes eß muß ich erscht

und en Schnaps dezu trenk.

Doe kömmt mer s schu hoch.

Ob ich s naus noch schnell breng?

---

Iich brauch niss mer zem Esse,

erscht racht ken Alkohol.

Ner drei Schoppe getronke...

und ömmer nooch vooll!

Ich gäeh wär nei s Bett,

mir braucht kenner höllef.

Mach zu noch di Vürhäng.

Jetzt is fönnef noech ällef.

